

千

甃

亭

磚

錄

千甌亭輒錄敘

余七歲就塾先大父授呂元康磚硯布訓之
曰是硯非端非歛二千年物辨其文字可證經
史自昔名流珍如球璧期爾學成勿為俗士余
小子受而識之不敢忘嗣後每見古磚有文字
者即請於先大父而購之迨成童有磚六枚
既長納交於章紫伯明經紫伯藏有本初元年
鳳皇元年鳳皇二年赤烏七年四面永嘉全磚

頗以自豪余心羨之而未能有也去年春省墓
於城南之逸村偶息守冢者舍中見壁間砌建
光永嘉兩磚亟出錢易之又從其鄰家得太元
建興隆安數磚居民告余曰此皆古之冢磚也
年久出土貧家拾以築牆蓋不知幾百年矣近
山民居皆有之遂屬鄉人廣為搜訪余亦嘗乘
扁舟往來苕霅敗壁頽垣往往見窳不及一年
得埴千餘時士大夫有同好者爭購競收埴益

奇貴市僧攘攘趨利甚且盜冢以求莊子有言
儒以詩禮發冢阮文達鐘鼎款識序曰高原古
冢日出不窮通儒稽古窮經不以出自古冢為
諱然好古而害物仁者不為亟言於當事嚴其
禁而余亦不復收塼矣夫金石者小學之一端
塼又石之一端自宋以來皆重之乾道中上舉
耕者得五鳳塼洪文惠制以為硯淳熙癸卯三
山陸氏鑿渠得永安太康塼著于嘉泰會稽志

黃巖縣南王氏墓塋旁有文曰永和十二年太
元十五年著於嘉定赤城志塋有專書始於洪
文惠之塋錄惜乎其書已佚僅於隸釋隸續攷
見一二而已我

朝道光中嘉興馮氏登府合儀徵阮文達武進
湯貞愍錢唐黃氏易嘉興張氏廷濟臨海洪氏
頤煊宋氏經畬吳興陳氏經徐氏熊飛王氏獻
鈕氏重熙海鹽王氏懋官山陰杜氏寤辰易湖

呂氏全孫海寧僧達受桐城吳氏廷康十餘家
之磚成浙江磚錄各家所藏多者百餘少者數
磚率多奇零殘斷全者尙幾余生也晚有磚十
倍前人豈所謂物之顯晦有時者耶是磚也可
以補隸書之缺佚可以見字學之變遷可以參
史乘之異同可以證六書之通借因仿洪馮兩
家磚錄之例按年排次旁徵訓詁參稽史乘彙
為一編非敢附述作之例亦以仰承先大父

遺訓云爾

光緒紀元之泰奉歲在重光大荒落季秋之月
榮祿大夫三品頂戴前分巡廣東高廉兵備道
加四級陸心源欽

通議大夫四品銜刑部員外郎加四級從弟學
源書

存齋世仁先著席月前序



損書並惠示于覽亭塼級亟取披讀心

如傾倒匪言可喻古塼舊書錄詩小雅

斯干傳瓦紡塼也說文瓦土器已燒一總名段

注土器未燒曰土坯已燒曰瓦紡專瓦之一也

古未聞有文字晉陳休云東陽沈載獨字山

陰溪有古冢其塼有筮字吉字十二字見所覽

家墓門其書不傳趙宋以後聞有見諸著
錄者類皆拾殘綴闕不得稱專書

國朝昌明正學名儒輩出嘉道間阮文達公

以當代龍門為文章司命敷歷中外五十餘年

巡撫我浙建話經精舍南日知名之士咸萃

幕下經術之富乃於金石文字天者斯文

地不愛寶鼎彝器與篆隸之碑古碣所產於

郡國山川者日出不窮學者故搜其遺文
詮注攷釋以復明經義糾正史事論其
金石之學是斯稱大備文達今得漢
五鳳諸磚以年紀器石勒工名石字可觀
隸多之文其銘之補志索之遺因以八磚分
題漢士於是者古之士益知貴重競相搜訪
互出於尚考當日感家稱稱玉富者核

然亦未聞有滿百也去年就養於東官廨
陸星農殿撰以所託百磚硯齋磚錄屬為
弁言觀其收貯之夥扶擇之精殆為突
過前人得未曾有至聞多郡繞郭諸
山出古磚甚多好事者爭起購致
從者就徃物色所獲特夥今讀

大著千甃亭磚錄不意兩年中蒐羅之

富亮五倍於星者又於數月之間整齊排
比編輯成書紀其緣起詳其書之攷釋
其文字謬誤之數鑒空事必微實此之竭教
十年心力皓首而未能成者

且下以旦夕間成之良由博讀素裕精力
又易以副之未及於官邸之事而著述之
梓行於世者已高可隱身再積歲月將

与毛西河涉者立駕執苑上僅壁側磨鐵
者已韋屈折鄉黨傳人道咸以來

且下當推首出屬在世好涉出由中決以

泛洞貢袂也折有商名埽孰二字段氏因

許書未收遂折為似字愚意土器已燒得

之瓦彷彿瓦之一也从土从瓦合於六書形勢

會意之慎國初陸見桃化毛詩稽古編

惠定宇玉為推重阮文達謂其字體固以
祝文志在篆古篆書法之平於磚書之
磚皆化磚而於仿磚之磚則以瓦可知其未
瓦合於古篆廣韻玉篇諸書所以並收石乃
與石之磚同以仿字抹之篆書以此所為墨
老石識

尊之亦以為何所示現擬仿張月霄感

書例成威書志一百二十卷來春即可授梓
聞今人神王蒙年逾七十者至老及萬子胥
忘所未能想置者惟此稿墨迹習耳指日
剞劂告藏縣為先行

賜讀禱甚幸也
為道聖設不盡世并吳雲

辛巳十月廿八日書

千甓亭磚錄卷之一

存齋雜錄之三

歸安陸心源剛甫纂

漢

漢建元磚

長一尺四分厚一寸三分文曰建元元年八月作
凡七字一字一格下窗文案漢武帝晉康帝齊高
帝北漢劉聰前秦苻堅皆號建元此磚出烏程劉
聰苻堅竊據西北與南方遠不相及書法古拙如
開通褒斜道碑非後漢以後人書當屬漢

漢天漢磚

長五寸七分厚一寸三分文曰天漢元年右側同
文案漢武帝第八紀元也出烏程

漢征和磚

長一尺七分厚一寸五分文曰征和元年八月三
日作出烏程漢武帝第十改元也

漢元平磚

長六寸一分厚左側七分右側一寸一分文曰元
平元年八月下端似元年二字篆文漢昭帝第三
紀元也出烏程

漢元康磚

長一尺厚一寸五分文曰元康元年八月廿日起
下端文曰萬年不敗案漢宣帝晉惠帝皆號元康
此磚字近篆隸當屬漢出烏程

漢五鳳磚

長一尺四分厚一寸三分文曰五鳳元年八月十
八日造反文下端窗文案漢宣帝吳侯官侯皆紀
元五鳳磚出烏程烏山爲秦時烏巾氏所居字亦
古質當屬漢

漢甘露磚

長一尺一寸五分厚一寸五分文曰甘露二年八

月潘氏一字一格篆書右側雲龍文參以星文又一範短五分竝出烏程甘作同與夏竦古文四聲韵所引古老子凹字合惟彼作凹而此倒書之耳潘爲潘崇之後見潘乾校宮碑及潘岳家風詩潘氏磚出于吳興者頗多蓋郡本吳地吳地後入于楚故也宋書有潘綜烏程人

周學濬漢甘露磚考曰甘露紀年有五漢宣帝魏元帝吳吳歸命侯皓前秦苻堅後唐遼義宗東丹倍也今此磚文曰甘露二年八月潘氏八字案前秦遼遠杜鹵北卽曹魏亦在中州與東南不相及

制器者必不用其年號而歸命侯之甘露止紀元年其次年卽改寶鼎唯孝宣之以甘露紀者四年班固賦所謂神爵五鳳甘露黃龍之瑞以爲年紀者也則此磚之爲漢牋無疑其文非篆非隸尤爲奇古甘作古文凹而倒書之二作古文式年作古文季蓋其時八分未生故能迥出中郎宜官之上其製作之精字之四面俱有匡中間俱有界畫其一邊作雲雷紋之半而參錯綴之一面平幕一面麻布紋極細其長準今工部營造尺尺有一寸五分厚一寸六分均非漢以後磚所能有也史贊有

云孝宣之治綜覈名實至於技巧工匠器械自元成間鮮能及之者由今以思其言尤信漢碑皆市貞石礱治大或摩崖今拓本幾不可識則是磚也其有不可磨滅者在歟豈非希世之珍歟

漢黃龍磚

長八寸五分厚一寸四分文曰黃龍元年七月廿日下斷反文案漢宣帝吳大帝皆號黃龍隸書古質當屬漢出烏程

又長六寸二分厚一寸一分文曰黃龍元年太歲壬寅下斷案漢黃龍元年歲壬申寅蓋申之訛若

吳黃龍元年則歲己酉而非壬矣出烏程

漢元壽磚

長一尺一寸厚一寸四分文曰元壽元年建作邢
大壁右側下端俱花文哀帝第四紀元也邢爲衛
所滅子孫以國爲氏見元和姓纂出長興邢大于
志乘無攷

漢建武磚

長一尺二寸四分厚一寸三分文曰建武元年八
月五日都亭侯菅君作案漢光武帝晉惠帝元帝
後趙石虎燕慕容忠齊明帝皆號建武磚出烏程

與後趙西燕不相及隸法古樸無波磔與魏晉後
書迥別當屬漢亭侯秩視中二千石都亭者城內
亭也見後漢書獻帝母王美人紀注或者謂亭侯
之封始于曹操之封費疑非光武時所有其說本
于杜氏通典愚以漢書証之知杜說不足據也案
續漢書職官志承秦爵二十等爲徹侯大者食縣
小者食鄉亭得臣其所食吏民則漢初定制已有
鄉亭之封矣耿純迎世祖于育拜前將軍封耿鄉
侯事在更始二年見耿純傳是建武以前有鄉亭
之封矣樊宏病困車駕臨視宏頓首自陳無功願

還壽張食小鄉亭見樊宏傳則建武時有鄉亭之
封矣中興二十八將之後其子多封鄉侯其孫多
封亭侯見于范氏後漢書者不勝枚舉均在曹操
封費亭侯之前若執杜氏之瞽說而疑此磚之非
漢則愼矣管君必當時功臣都亭之封或與耿純
同時亦未可知惜乎光武甫帝管君已亡遂致史
臣載筆記載缺然不能與雲臺諸公爭光競烈爲
可惜耳元和姓纂管爲魯大夫之後食采于管因
以爲氏說文在艸部茅也管爲管叔之後其後有
管仲說文在竹部如篋六孔二姓迥然不同此磚

及太平三年菅太康七年菅葬宜貴皆作菅永康
元年菅永興三年管賤又管土發大興四年諫議
大夫管永和四年管弘咸康八年管侯及管衡皆
作管似二姓而非一姓然隸書从竹从艸之字往
往無別景君碑或殷頌于菅絃从艸不从竹是其
証也再以隸釋隸續漢隸字源所載從竹諸字証
之篆文竹作艸艸作艸王君神道縣艸令之竹作
艸周公禮殿記舊蔡周公禮壁魏受禪表蔡受壇
之築作蔡孔宙碑會遭薦疾夏承碑允道驚憂之
薦作薦王純碑舊華憲臺之筆作筆魯峻碑陰梁

榕叔節北海相景君碑強衙改節韓勅碑西門儉
元節張遷碑二月震節之節作節韓勅碑字叔節
曹全碑風雨時節戚伯著碑臨營持節之節作節
西狹頌隄芒促迫馬江碑故塋迫芒之竿作芒劉
寬碑演蒲沉漸楊震碑元勳蒲書受禪碑上公策
祝楊統碑軍還策勳張遷碑張良善用籌策夏承
碑策薰著于王室之策作策張平子碑貫通謨藉
鄭因碑遂窮究于典籍元賓碑圖藉之籍作藉石
門頌上苔卨皇之答作苔劉衡碑纂周行而彌長
圉令趙君碑纂修其緒之纂作纂楊統碑暮茲英

猷衡方碑莢謨之風之筴作莢魯峻碑舉高第孔
龢碑通高第之第作第魏大饗碑行無莢之酣飲
復民租碑復華下十里以內民租四口莢之算作
莢此皆从竹之字隸變從艸者蓋隸本隸胥所書
不攷六書之義務爲省便艸竹不分管仲之後避
難逃入吳楚居烏程之棲賢山見嘉泰吳興志傳
子田氏有齊管氏去之或通魯或適楚與嘉泰志
合是烏程之管當从竹不當从艸碑文有从艸者
蓋从竹爲正字从艸爲隸省二而一者也墨子以
管仲爲關仲淮南以管仲爲筴仲又以同音假借

不僅竹艸不分矣

漢永平磚

長一尺五分厚一寸五分上端文曰永平十六年
作右側古篆文不可辨出烏程

長九寸八分厚一寸三分文曰永平十六年七月
十二日作甝中有格案漢明帝晉惠帝北魏宣武
帝皆號永平磚出烏程與北魏不相及晉永平無
二年惟漢明帝以永平紀元者十八年

漢建初磚

長一尺四分厚一寸三分文曰建初元年八月二

日出烏程漢章帝紀元也

漢元和磚

長一尺七分厚一寸三分文曰元和三年八月十日凡八字右側莫氏丁未朔作璧上端莫氏二字漢章帝第二改元也案通鑑目錄元和三年八月壬寅朔丁未當爲初六日與磚不合蓋溫公通鑑目錄本于劉義叟長厯由推算得之証以史志紀傳及金石文字往往小有參差如太初元年閏十月甲午朔與史記本紀封禪書漢書郊祀志作十二月甲午朔不合元始元年閏八月與史記王子

侯表閏六不合建光元年七月己卯朔十月戊申
朔九月當爲己卯朔與許冲上書九月己亥朔不
合建寧元年十月己巳朔則是月無甲子日與柳
敏碑十月甲子不合延熹二年二月庚辰朔四月
己卯朔則三月當爲庚戌朔六日非癸酉與耿勳
碑三月六日癸酉不合建安二十二年正月乙未
朔則廿四日戊午與曹植王仲宣誄廿四日戊申
不合此類不勝枚舉卽各碑所著月朔合者少而
不合者多有匠人誤書者亦有義叟推算參差者
未可執一論也莫爲幕之省文舜祖幕之後見通

志氏族略出長興

漢永元磚

長一尺五分厚一寸六分文曰永元三年下缺案
漢和帝前涼張茂齊東昏皆號永元磚出寧波與
前涼張茂不相及字近篆隸非六朝人所能當屬
漢陽湖呂向叔明府所貽也

又長一尺一寸厚一寸五分上端文曰永元六年
作左側上寶錠文下大吉宜子孫五字案齊昏侯
以永元紀者二年漢永元十七年四月始改元元
興隸法奇肆其爲漢物無疑大吉宜子孫皆頌禱

之辭漢人習用語西清古鑑有大吉利長宜子孫
洗薛氏鐘鼎款識有長宜子孫洗宜子孫呂榮洗
宜子孫吉鎰積古鐘鼎款識有大吉壺長宜子孫
洗宜子孫洗初平五年宜子孫洗長宜子孫鉤永
平二年宜子孫鈴宜子孫大吉利鐸與磚文辭意
略同出烏程

又長九寸厚一寸三分文曰永元七月戊辰朔右
側字不可辨下兩格又文案漢和帝齊東昏侯皆
以永元紀年通鑑目錄齊永元無戊辰朔漢永元
九年六月己亥朔八月戊戌朔則七月當爲戊辰

朔此磚雖有月無年以置朔推之其爲漢永元九年磚無疑出烏程

漢延平磚

長五寸四分厚八分文曰延平年吳上端萬歲二字右側花紋漢殤帝紀元也出烏程

漢永初磚

長一尺厚一寸二分文曰永初四年古篆書安帝第一紀元也永作𠂔初作𠂔四作𠂔年作𠂔右側花文上端𠂔𠂔𠂔三字下端直格出烏程

漢永寧磚

長一尺一寸三分厚一寸三分文曰永寧元年八月十三日上端文曰天災生下端文曰人穀之案漢安帝晉惠帝後趙石祇皆號永寧磚出烏程與後趙遠不相及隸書奇古有篆意非晉以後所能當屬漢

漢建光磚

長一尺六分厚一寸四分文曰建光乙年八月十五日作一格是法建光二字一格乙年八月一格十五日作一格是法一格漢安帝第四紀元也隸有篆意出烏程

漢延光磚

長五寸厚一寸五分文曰延光元年漢安帝第五紀元也隸有篆意似延光殘碑出烏程

又長五寸厚一寸四分雙行文曰延晃元年封穴閏月十八日太歲在戌太歲上二字不可辨出長興案晃與光通釋名晃光也晃晃然也說文光明也晃明也從日光會意光亦聲二字同義同聲想漢人本竝用耳出烏程

又長七寸六分厚一寸四分文曰延光二年反文中間古泉下缺凡漢磚正面皆作麻布文此磚獨

作遵條文出長興

漢永建磚

長七寸厚一寸三分文曰永建五年八月十日下午
斷漢順帝紀元也與石索所載永建同出烏程

漢永和磚

長七寸五分厚一寸一分文曰永和五年八月十
日造壁上端文曰大吉詳宜子孫案漢順帝晉穆
帝後秦姚泓北涼沮渠牧犍皆號永和磚出烏程
與後秦北涼皆不相及古祥詳通用漢人多作詳
說文祥福也詳謀議也周書皇門以昏求臣作威

不詳注詳善也左成十六年傳德刑詳義禮信疏
詳祥也漢人多借詳爲祥晉以後則罕磚作吉詳
當屬漢

漢永嘉磚

長九寸四分厚一寸四分文曰永嘉元年八月十
日立作之也反文二字一格案漢沖帝晉懷帝皆
號永嘉磚質堅厚隸法奇肆似沈君神道碑當屬
漢月字作間可補漢隸字原之缺

漢本初磚

長一尺六分厚一寸六分文曰本初元年歲在丙

戌下端有造作則三字漢質帝紀元也質帝在位未久金石文字傳世絕少磚出烏程之避村其地爲漢季避亂之所近來長興之和平又發古冢獲本初磚甚多與避村同範蓋一家所爲本作本初作𠂔戌作𠂔當時匠人書也案說文本从木从一白石神君碑具載本末之本作本說文𠂔从大从𠂔讀若叨𠂔進趨爲義初說文从衣从刀張遷碑黃巾初起之初作𠂔从力字書無此字本既可作本亦可作本初既可作𠂔亦可作𠂔筆迹小有增損尙非以本爲本之比兩漢三國六朝各碑存于

今考及釋隸續漢隸字源劉球隸韵所載字之
不合六書者多矣不必以此致疑也若以字體不
合六書而別爲附會不但于古無徵仍無當于六
書之義也造作詎馮氏雲鵬金石索釋爲可又疑
爲奇馮氏登府浙江磚錄釋爲造是也則字甚明
顯磚錄釋爲助蓋所見拓本則字不全也造作則
與建光磚作是法義同

又長一尺一分厚一寸五分文同前範出烏程

漢建和磚

長八寸八分厚一寸一分文曰建和二年八月七

日案漢桓帝南涼托髮利鹿孤皆號建和磚出歸安南涼遠在西陲與江浙不相及當屬漢

漢永興磚

長七寸厚一寸四分文曰永興元年八月下斷漢桓帝晉惠帝皆以永興紀元晉永興于永安甲子十二月改元明年乙丑卽稱二年元年不應有八月漢永興于元嘉三年四月改元磚作于八月距改元已四月矣以此推之其爲漢船無疑

漢永壽磚

長五寸五分厚一寸八分上端文曰永壽三年下

泉文左側花紋漢桓帝第五紀元也出烏程

漢永康磚

長一尺厚一寸五分文曰永康元年王氏萬年上
端文曰永康元年漢桓帝晉惠帝後燕慕容寶西
秦乞伏熾盤皆號永康磚出長興與後燕西秦不
相及字雜隸篆當屬漢

又長一尺厚一寸五分文曰永康元年七月辛未
剡十二日吳里俱反文右側陰文篆字不可識上
下端俱花文出烏程案通鑑目錄漢永康元年七
月癸未剡辛字當是癸字之訛匠人誤記也若晉

永康元年七月壬午朔與上干下支均不相及無從致訛也吳里里名今無攷

又長一尺一寸厚一寸八分文曰永康二年歲在戊申吳作上下端花紋案漢桓帝以永康紀元者一年二年戊申改元建寧民間尙未知耳吳爲泰伯之後國爲越所滅子孫因以爲氏烏程本吳地漢有高士吳羌見談鑰吳興志晉有吳商見隋書經籍志又吳達吳喜見晉書宋有吳慶之梁有吳均吳規見南史又漢廣平侯吳超尙書吳奮墓皆在烏程見談鑰志磚出烏程或卽超與奮之墓磚

歟

漢光和磚

長三寸九分厚一寸四分文曰光和七年下斷江
丹洲少尹得之江南以贈余案光和漢靈帝第三
改元也是年十二月改元中平磚必造于十二月
之前故猶稱光和也

漢中平磚

長五寸八分厚一寸七分文曰中平六年漢靈帝
第四改元也案甲子十二月改元中平己巳四月
少帝立改光熹八月改昭寧九月愍帝立改元永

漢十二月復稱中平庚午改元初平朝政紛然故
民間尤用中平紀元耳

漢建安磚

長八寸一分厚一寸文曰建安二年八月十日上
端有字泐不可辨漢獻帝第四紀元也出烏程
又長六寸五分厚一寸四分文曰建安廿四年三
月下截花紋

三國吳

吳黃武磚

長四寸三分厚一寸二分上端文曰黃武七年四

月十日造作反文吳大帝紀元也出寧波馮柳東
太史舊藏也

吳黃龍磚

長五寸一分厚一寸三分文曰黃龍元年下斷吳
大帝第二改元也出烏程

又長八寸二分厚一寸文曰黃龍二年八月廿日
上下端花紋出烏程

又長一尺厚一寸二分文曰萬歲黃龍三年下端
吳家冢三字馮氏磚錄亦收缺冢字吳氏墓磚也
出烏程

吳赤烏磚

長一尺七分厚左側一寸右側一寸三分文曰赤烏五年封不敗吳大帝第四改元也出烏程

又長八寸一分厚左側一寸三分右側八分上端文曰赤烏七年右側蕉葉文出烏程

又長一尺五分厚一寸四分上端文曰赤烏七年左側文曰造作吳冢吉翔位至公卿又一范稍長二三分皆出烏程吳氏墓磚也案翔與祥通說文翔迴飛也祥福也易豐卦天際翔也孟鄭王本皆作祥漢修堯廟碑翔風膏雨皆借翔爲祥也位至

公卿與出富貴磚出公侯鐘子孫磚元康三年位
至高遷磚同意

又一範左側文同上端萬歲二字

又長一尺厚一寸四分文曰赤烏八年歲在乙丑
圖□師俞岑萬世圖字下一字不可辨案凡器物
款識有稱師者皆爲工師之師所謂物勒工名以
考其成也鄆州發地得銅弩機側有刻文臂師虞
土耳師張柔見夢溪筆談建安弩機師稽福初平
洗吳師作見積古鐘鼎款識封隆山碑石師劉元
存無極山碑石師造鄴閣頌時石師南白石神君

碑石師王明綏民校尉熊君碑碑師春陵程福造
永初元年碑景師造見洪氏隸釋隸續惟工師之
師或曰某師作師某造如初平洗永初洗無極山
碑綏民校尉碑永初碑是也或惟著其姓名如鄆
州弩機建安弩機封龍山碑郝閣頌白石神君碑
是也此碑不曰造不曰作而曰圖□師俞岑萬世
疑卽俞岑墓碑圖□師當爲官名而非工師之師
蓋古有以師名官者至唐猶然周禮有醫師樂師
火師水師土師卜師舞師笙師鐸師梓師鐘
師籥師其秩皆士也司馬彪續漢書百官志司隸

校尉假佐二十人有孝經師月令師律令師唐六
典有針師十人巫師十五人長上魚師十人伶師
二人吳去漢未遠圖□師疑亦孝經師律令師之
類今不可考耳

又長五寸厚一寸一分下端文曰赤烏十年四字
左側不敗二字上斷出烏程

又長七寸八分厚九分文曰赤烏十年造作作字
半泐兩字一格間以八文出烏程

吳太元磚

長一尺厚一寸三分文曰泰元元年八月十六日

潘緒作上端×文吳大帝晉孝武帝前涼張駿皆
號太元磚出烏程喬木山與前涼不相及隸書似
曹全碑當屬吳潘緒于志乘無攷宋書孝義傳有
潘綜烏程人

吳建興磚

長一尺厚一寸四分文曰建興三年四字反文下
直格右側亦直格上端似王鐘霜二四字侯官侯
第一改元也漢後帝吳侯官侯成李雄晉愍帝涼
張寶後燕慕容垂皆號建興磚出長興與蜀漢成
涼後燕不相及字體似天發神讖當屬吳是年四

月改元五鳳

吳五鳳磚

長一尺一寸厚一寸五分文曰五鳳三年七月八
日造太歲在丙子上端文曰富貴萬年侯官侯亮
第二改元也是年十月始改元太平磚造于七月
故猶稱五鳳耳出烏程

吳太平磚

長七寸二分厚一寸三分文曰太歲在丙子上端
文曰太平元年管俱反文侯官侯第三改元也出
烏程

又長一尺一寸厚九分文曰太平二年八月廿日
下邳丁潘作也上端文曰萬年俱反文萬字上有
一字不可辨案司馬彪漢郡國志下邳國屬徐州
晉書地理志同卽今邳州境也丁潘蓋下邳人而
葬吳興者丁氏齊丁公之後見元和姓纂丁潘子
史乘無攷吳司徒丁固墓在郡境見舊志考固終
于晉則非固墓專也凌味門茂才舊藏

又長一尺厚一寸三分文曰太平二年九月七日
作之宜貴出長興

又長一尺六分厚一寸一分文曰太平三年七月

八日太歲在寅下端有胡大君三字是年歲在戊寅十月改元永安磚造于七月故尙稱太平也大君者猶府君先君也晉書謝鯤傳溫嶠謂鯤子尙曰尊大君豈惟識量淹遠胡姓胡公之後見元和姓纂出烏程

又長五寸五分厚一寸二分文曰太平三年太歲在下斷出烏程

又長五寸五分厚一寸三分文曰太平三年歲在下斷上端人形出烏程

吳永安磚

長九寸八分厚一寸六分文曰永安元年八月十日右側文曰大中番君作作下二字不可辨下端文曰石冰起起下一字不可辨俱反文出烏程案漢書百官表郎中令屬官有大夫大夫掌論議有太中大夫中大夫諫大夫皆無員後漢百官志太中大夫千石韋昭辨釋名曰在中散上高大也番姓也詩十月之交番維司徒鄭箋氏也姓苑漢吳芮封番君支孫因氏焉見通志氏族略韓勅碑陰有任城番君舉漢書溝洫志河東守番係師古曰姓番名係也番君其番維司徒後裔歟石冰匠人

之姓名

又長九寸四分厚一寸五分文曰永安元年八月十三日右側文曰舍人番君作云六字反文案史記高祖爲沛公以贈爲舍人舍人之名漢初已有出烏程

又長九寸三分厚一寸四分文曰永安二年七月廿日吉案吳景帝晉惠帝北涼沮渠蒙遜北魏孝莊皆號永安磚出歸安與北涼北魏不相及晉惠帝雖有二年此磚隸有篆意當屬吳

又長一尺三分厚一寸三分文曰永安二年兒氏

造作萬歲永作永安作囟兒氏墓磚也出烏程

又長七寸七分厚一寸三分文曰永安三年師丁氏造作丁氏匠人姓

又長一尺一寸厚一寸六分文曰永安四年歲在辛巳七月十日造作下端富貴宜壽四字壽字半泐出烏程

又長六寸五分厚一寸四分文曰永安五年八月出烏程

又長一尺一寸厚一寸三分文曰永安六年八月廿四日造作壁上端窗文出烏程

又長九寸三分厚一寸三分文曰永安七年七月十五日作存者富貴亡者萬安上端古泉文出烏程吳甘露磚

長五寸厚一寸文曰甘露二年八月太上端花紋下斷漢宣帝魏元帝吳孫皓皆號甘露磚出吳興宇非西漢當屬吳是年八月改元寶鼎民間猶未知也出烏程

吳寶鼎磚

長一尺一寸五分厚一寸四分文曰寶鼎二年七月卅日臨淮裴雁造下端文曰作塋大吉祥俱反

文出烏程吳烏程侯紀元也漢武帝置臨淮郡永
平十五年更爲下邳國屬徐州見司馬彪郡國志
晉太康元年仍分爲臨淮郡屬徐州見晉書地理
志宋至齊仍之後周大象二年始改爲泗州卽今
泗州境也裴雁造磚人之姓名裴氏蓋臨淮人而
葬于吳興者壁與甃通非子之支孫封于邳鄉六
代孫陵周僖王封爲邳邑君其後人去邑從衣爲
裴氏見元和姓纂

又長四寸五分厚一寸三分上端文曰寶鼎二年
出烏程

又長九寸五分厚一寸二分文曰寶鼎二年歲在
丁亥徐君郭上端有虎頭形徐氏墓磚也徐爲楚
滅子孫分散以國爲氏見元和姓纂三國吳志徐
詳字子明烏程人封鄉侯徐固烏程著姓也郭與柳
通孫叔敖碑將無棺郭隸釋延年益壽郭題字漢
書尹賞致令辟爲郭皆以郭爲柳御覽引古史攷
曰禹作塋以周棺湯作木槨易土塋案土塋卽磚
也出烏程

又長四寸厚一寸一分文曰寶鼎三年下斷

又長一尺七分厚一寸四分文曰寶鼎三年歲在

丙子陳下端上下萬世二字中間三格花文案三年當屬戊子丙子匠氏誤書也陳字甚明顯馮氏疑爲造字想所見之磚陳字已損耳字體近天發神識碑出長興陳氏墓磚也

又長一尺一寸二分厚一寸四分文曰寶鼎三年吳興烏程所立靈穴出烏程案寶鼎元年分吳郡之陽羨永安餘杭臨水烏程丹陽郡之故鄣安吉原鄉於潛爲吳興郡治烏程見三國吳志三嗣主傳注說文穴土室也易需卦注穴陰之路也詩黃鳥臨其穴鄭箋穴塚壙中也以冢爲穴其義甚古

風俗通靈者神也大戴禮曾子天圓篇陽之精氣曰神陰之精氣曰靈此靈之義也隸釋王稚子闕刻曰漢故先靈侍御史河內縣令王君稚子之闕後漢書張奐傳朝隕夕下措屍靈牀姚興載記梁國兒于平涼作壽冢每將妻妾入冢飲讌升靈床而歌曰靈穴曰靈床曰先靈之闕辭異而意同也又長六寸厚一寸四分文曰寶鼎四年下斷出烏程

又長四寸五分厚一寸一分文曰寶鼎四年下缺出石門胡劄叩茂才所贈案是年十月改元建衡

磚必造于十月以前

吳建衡磚

長一尺厚一寸二分文曰建衡二年常富貴宜孫
子孫皓第四改元也出長興

又長一尺一寸厚一寸七分文曰建衡三年七月
十日作出烏程

又長九寸三分厚一寸一分文曰建衡三年八月
八日造吉祥上端吳赤二字吳氏墓磚也吳赤無
攷出烏程

吳鳳皇磚

長一尺八分厚一寸五分文曰鳳皇元年九月范氏造一字一格篆書上端萬歲二字皇作皇月作𠂔造作𠂔篆法奇古出歸安范爲士會之後越有范蠡隱于五湖漢范明友裔孫馥避董卓之亂過江居錢塘地皆近烏程范氏殆其後歟

又長一尺八分厚一寸五分文曰鳳皇元年九月范氏造篆書一字一格上端花紋出烏程西余山又長四寸六分厚一寸二分文曰鳳皇元下斷出烏程

又長八寸四分厚一寸一分文曰吳鳳皇二年吳

興彭下缺上端萬歲二字余所見所藏鳳皇磚不下十餘種皆作皇無作鳳者字林玉篇無鳳字集韻始有鳳字可知唐以前無此字矣出烏程

又長一尺五分厚一寸三分文曰鳳皇二年九月下端文曰范家作出烏程菁山范氏墓專也與鳳皇元年九月范氏造專同出一處當爲一家所造制作甚精

又長九寸厚一寸三分文曰鳳皇三年施氏作甃上端富貴二字中間又文施氏墓磚也案說文甃甃甃也廣雅釋宮甃磚也磚文亦作壁者甃正

字也壁假字也施氏爲吳興著姓漢太尉施延墓
荊州刺史施讐墓吳當陽侯施績墓皆在郡境見
談鑰吳興志施氏墓磚出于今者尙有太康二年
施家璧元康三年施家作元康六年雙行施晞元
康七年雙行茅山里施傳又單行施傳元康九年
施作大安二年施氏貴永昌元年施令違盜康元
年施狼作太中大夫施氏施璧萬歲通計不下十
餘種其爲大族可知

吳天冊磚

長一尺一寸四分厚一寸五分文曰天冊元年八

月乙酉朔造下端文曰延年曾壽孫皓第六改元也通鑑目錄八月甲申朔與此磚差一日

又長一尺一寸四分厚一寸四分文曰天冊元年八月乙酉朔造作下端文曰延年曾壽案曾增之借字說文曾詞之舒也增益也字當作增曾增古通用孟子曾益其所不能音義與增同離騷曾欷歔余鬱邑兮王逸注累也隸釋范君墓碑有日利千萬曾羊曾羊者增祥也皆俗曾爲增也竝出烏程

吳天璽磚

長一尺九分厚一寸四分文曰天璽元年太歲在丙申荀氏造四字一格下端文曰八月興功兩字一格孫皓第七改元也字近三段碑璽從玉古文荀氏墓磚也出長興荀氏周郁侯之後去邑以國爲氏見元和姓纂

又長一尺九分厚一寸文曰天璽元年太歲在丙申荀氏造四字一格出長興

吳天紀磚

長一尺一寸左側厚八分右側厚一寸三分文曰天紀元年史立兄四人葬所里里下一字似孤字

上端一龍下端一龍與天紀二年太歲在戊戌磚
同出烏程之郭西灣

又長九寸厚一寸五分上端文曰天紀元年下端
文曰八月興功一字一格右側文曰萬歲不敗吉
孫皓第八改元也出烏程

又長一尺厚一寸三分文曰天紀元年太歲丁酉
丹陽芮氏作一字一格丹芮二字雙行一格楊氏作三
字一格上端萬歲不敗四字出烏程

又長九寸厚一寸二分文曰天紀二年八月十七
日作反文出烏程

又長六寸八分厚一寸四分文曰天紀二年太歲
在下斷上端有所作壁三字字體似三段碑出烏
程

又長一尺一寸厚一寸六分文曰天紀二年太歲
在戊戌下端一龍書法奇肆出烏程

又長九寸五分厚一寸二分上端文曰天紀二年
反文左側上半蕉葉文下半直格出烏程

又長五寸四分厚一寸二分文曰天紀二字下斷
上端有萬歲二字一字一格篆文天作无與無極
山碑與无俱墜之无同出烏程

又長一尺厚一寸三分文曰天紀二年所作下端
末曰賈午井出烏程賈爲周賈伯之後見元和姓
纂午人名賈午作井所造磚也

又長一尺三分厚一寸五分文曰天紀三年太歲
己亥閏月十七日造作凡十五字反文上端直格
案通鑑目錄是年閏七月閏月者蓋七月也出烏
程

千甓亭磚錄卷之二

存齋雜纂之三

歸安陸心源剛甫纂

晉

太康磚

長九寸五分厚一寸五分左右側上文晉立二字中間書窗文下文太康二字上端亦有書窗文晉武帝第三改元也出烏程

又長一尺一寸一分厚一寸三分文曰太康元年九月廿日下泐不可辨上端有吳興鄒三字出烏程鄒氏墓磚也晉書地理志吳興郡吳置統縣十

一卽今湖州府境鄒爲子姓之後見元和姓纂鄒氏磚之出于吳興者有太康二年太康四年太康八年數種其爲當時大族可知

又長六寸厚一寸文曰太康元年九月下斷上端文曰康元年出烏程

又長一尺八分厚一寸四分文曰太康二年太歲辛丑八字篆文下端有陳長所作四字隸書二作从篆法奇古出烏程晉太尉陳準之孫達爲長城令因居之見元和姓纂然寶鼎三年已有陳氏磚此磚及陳泰陳寶主磚造於太康陳豨陳鍾紀磚

造於元康陳希磚造於永康皆在達之前是則吳興之有陳氏不始於達矣

又長九寸三分厚一寸四分文曰太康二年九月八日章士康法篆文建光磚曰作是法此云章士康法同一義也章士康造磚者之姓名也章爲太公之後左傳齊人降鄆子孫改爲章氏見元和姓纂章士康于志乘無攷陳有章昭達烏程人見陳書梁有原鄉侯章道勇見談志殆皆士康之苗裔歟

又長一尺七分厚一寸四分文曰太康二年太歲

在己丑上端有豕字上一字不可辨下端一吉字
是年歲辛丑磚作己丑匠人誤記也出烏程

又長九寸三分厚一寸四分文曰太康二年九月
八日章士康法篆文下端文曰太康二年歲在丑
隸書反文出烏程

又長九寸七分厚一寸三分文曰太康二年歲在
辛丑下端施豕豸三字施氏墓磚也出烏程道場
山

又長一尺七分厚一寸三分文曰太康三年歲在
任寅下四字反文上端萬歲二字說文任保也從

人王聲王位北方也象人裹妊之形引申之爲懷抱之意詩生民是任是負傳猶抱也齊語負任擔荷注抱也皆借任爲王也凡同聲之字古人皆可通借干支之王借任爲之此磚之外實罕見耳出烏程

又長一尺三分厚一寸三分文曰太康三年歲在寅上端文曰鳳皇島下端有所作二字俱反文所作上三字不可辨鳳皇島晉時地名今不可攷是磚出烏程之菁山當爲菁山地名

又長六寸四分厚一寸二分文曰太康三年八月

下斷上端有太平歲三字俱反文太平歲者亦吉祥語耳出烏程

又長一尺一寸一分厚一寸四分文曰太康三年黃家所造作下端有吳興郡三字惟造字反文出歸安埭頭黃氏墓磚也黃氏陸終之後爲楚所滅子孫以國爲氏湖州府城南二十五里有下菰城爲春申君黃歇所築見太平寰宇記則黃氏實爲此邦最古之土著宜乎其磚之數數見也

又長七寸厚一寸四分文曰太康三年十月下花文太康三年一格十月二字雙行一格出烏程

又長五寸厚一寸三分上端文曰太康四年鄒伯
良造右側書窗格文泉文鄒伯良無考出長興

又長九寸厚一寸二分文曰太康五年歲在甲辰
作出長興

又長一尺一寸一分厚一寸四分文曰太康六年
楊普壁右側有格文下端楊普壁三字楊普造磚
者之姓名也楊爲伯僑之後見元和姓纂餘詳後
出烏程

又長一尺厚一寸五分文曰晉太康六年八月楊
氏興功篆文右側有書窗格上端下端似有陰文

字出長興楊氏墓磚也

又長一尺二分厚一寸四分文曰太康六年八月
陳郡殷氏陰文正書字似谷朗碑陳郡今河南陳
州府境漢章帝改淮陽曰陳郡晉武帝合陳郡于
梁國惠帝復分梁國置陳郡見晉書地理志磚造
于太康六年仍稱陳郡想其時尚未并于梁國耳
晉太常卿殷融墓在府城西南見談鑰吳興志融
陳郡人見晉書殷覲傳子康爲吳興太守在太康
中亦見郡志職官表想融之卒正在康守郡時故
遂葬于郡此磚出城西証之時代里貫葬所無一

不合其爲殷融墓磚無疑出長興

又長九寸厚一寸三分文曰太康六年四月安吉
出長興

又長八寸七分厚一寸一分上太康二字中間雙
×泉文下六年二字出烏程

又長一尺二分厚一寸三分文曰太康七年丙午
歲邱季承父出烏程案邱氏湖州著姓也平帝時
有邱俊者持節安撫江淮屬王莽篡位遂留江左
居吳興烏程後漢有名騰者光武初起義于鄉官
至大司馬又有交州太守聰陽羨令昭三國吳時

有晉陵太守傑散騎常侍詢駙馬都尉敬祠部郎
中裕給事中夷皆見嘉泰吳興志著姓門獨不及
季承父或爲傑之子姓或卽詢敬裕夷之字未可
知也

又長一尺二分厚一寸二分文曰太康七年甲戌
朔立功太歲在丙午下端有管墓宜貴四字出烏
程棲賢山案通鑑目錄二月癸未朔五月壬子朔
七月辛亥朔九月庚戌朔十一月己酉朔是年不
應有甲戌朔與磚不合

又長五寸八分厚一寸一分上端文曰太康七年

朱墓左側×文朱氏墓磚也出烏程

又長四寸五分厚一寸三分文曰太康七年太歲在丙下斷上端可辨者廣陵尙曹四字曹字上二字不可辨案晉書地理志廣陵郡漢置統縣八職官志尙書郎武帝置三十四曹後又置運曹凡三十五曹蓋廣陵人官尙書郎曹者惜磚已殘無從考見耳出烏程

又長五寸五分厚一寸四分文曰太康七年七月出烏程

又長九寸四分厚一寸二分文曰太康八年八月

三皇亭碑銘 卷之二 木
廿日出烏程

又長一尺厚一寸三分文曰太康八年八月乙亥
朔吳氏作下端似人形吳氏墓磚也案通鑑目錄
八月乙亥朔與磚合出烏程

又長九寸三分厚一寸三分文曰太康八年七月
廿日僕冢反文下端又有僕冢二字僕氏墓磚也
案元和姓纂僕氏周僕人後魏官氏志僕蘭氏改
爲僕磚作于五胡亂華之前必非僕蘭之僕通志
氏族略今吳興有僕氏望河南

又長一尺五分厚一寸五分文曰太康八年臨安

凌弼制萬年右側萬歲不敗四字下端八月十日
四字案晉書地理志吳興郡統縣十一其二曰臨
安吳有凌統世居餘杭二子曰封曰烈見元和姓
纂臨安餘杭晉時皆屬吳興在今杭州府境弼殆
統之後歟出烏程馮氏石索所見拓本凌字不全
疑爲武又疑爲臧不作不敗作貶釋爲永則皆誤
也

又長九寸厚一寸三分文曰太康八年八月鄒氏
所造萬年吉年作余隸有篆意上端銳文出長興
鄒氏墓磚也

又長一尺一寸厚一寸九分文曰太康八年永興
楊兩字一格下端文曰八月二日作左側文曰萬
歲不敗案晉書地理志會稽郡統縣十其九曰永
興出烏程

又長一尺厚一寸三分文曰太康八年八月十日
沈作太作曰篆法甚奇反文上端中間泉文兩頭
實錠文沈氏墓磚也出烏程

又長一尺二分厚一寸四分文曰太康九年歲在
戊申世安平下端曰福貴遷篆文福與富古通釋
名福富也禮記郊特牲富也者福也詩何人不富

傳福也呂刑惟訖于富威福對文借富爲福也禮記不饒富猶不微福也是其証出烏程

又長一尺二寸厚一寸九分文曰太康九年八月卅日作壁出長興

又長四寸六分厚一寸三分文曰太康九年下斷出烏程

又長五寸五分厚一寸四分上有泉文中太康九下斷篆文出烏程

又長一尺五分厚一寸三分左側文曰太康九年八月十日汝南細陽右側太康九年八月十日汝

南細陽黃訓字伯安墓下端有書窗文案漢書地理志汝南郡領縣三十七其十二曰細陽師古注以細水之陽故曰細陽晉廢細陽縣并入宋縣今安徽省太和縣境磚作于太康九年猶稱細陽想其時尙未廢耳魏晉禁立碑故于磚詳著塋者里居姓字黃訓蓋細陽人塋于吳興者陳氏抱之所得惟磚之下截據細陽二字定爲漢物馮氏金石索仍之皆誤也出長興

又長一尺厚一寸三分左側文曰太康九年八月十日汝南細陽右側太康九年八月十日汝南細

陽黃訓字伯安墓上端黃訓字伯安墓下端書窗
文出長興

又長一尺厚七分文曰太康九年八月十日汝南
黃訓字伯安起墓出長興

又長九寸六分厚一寸二分文曰王太康八年僕
家所作反文右側有數直格曰王者猶春王正月
之意僕氏墓磚也出烏程

又長一尺一分厚一寸四分文曰太康九年八月
廿日作右側上又中倉下陳泰二字上端又文此
陳氏墓磚也陳泰造磚者之名出長興

又長一尺一分厚一寸三分文曰太康九年八月
僕家壁下端文曰兄弟三人作出烏程

又長一尺七分厚一寸五分文曰太康九年十月
作出烏程

又長一尺左側厚九分右側厚一寸一分文曰太
康十年八月十日孝子吳上端萬歲二字康作只
篆法奇古吳氏墓磚也出烏程

又長九寸六分厚一寸三分右側太康十年四字
上端及左側古篆文俱不可識出烏程

又長一尺五分局厚一寸四分文曰太康十年七月

十日陳寶主宜下端斜棋文陳氏墓磚也寶主者造磚之人也宜者無所不宜也與薛氏鐘鼎款識博山鑪銘天興子孫富貴昌宜雙魚四錢洗富貴昌宜之宜同意出烏程

永熙磚

長九寸四分厚一寸四分上端文曰永熙元年八月六日凡八字反文左側上銳文下厠鵠二字晉惠帝第一紀元也出烏程

又長四寸六分厚一寸二分文曰永熙元年八月十一反文下斷上端古篆二字不可識出烏程

永平磚

長一尺四分厚一寸六分文曰永平元年七月作
晉惠帝第二紀元也出烏程

元康磚

長九寸六分厚一寸四分左側文曰萬祀不敗上
端元康二字又一品上端文同左側上鉞文下周
鵠二字每字一格晉惠帝第三改元也出烏程
又長九寸四分厚一寸二分文曰元康包巳田五
字五格下端有富貴二字貴字巳半磨滅包氏墓
磚出烏程者尙有包氏磚包喜磚包咸字士之磚

晉時當爲吳興大族蓋包氏本楚申包胥之後吳地後入于楚子姓蕃衍吳中固其所也

又長五寸五分厚一寸三分左側文曰元康年九月下斷右側似萬賜二字上端×文下有永卿二字永氏墓磚也通志略引姓苑有永姓出烏程

又長五寸五分厚一寸一分文曰元康元年下斷上端似堊祚氣典四字出烏程

又長一尺厚一寸三分左側文曰元康元年八月下泐右側五魚紋上端飛雀形二下端二龍形出烏程

又長九寸八分厚一寸二分文曰元康元年七月十七日陳豨爲父作下端萬年二字陳氏墓磚也出長興

又長一尺三分厚一寸三分文曰元康元年八月十日東萊曲成魯綽墓下端黃訓字伯安墓案晉書地理志東萊國統縣六三曰曲成卽今山東掖縣東北境也元和姓纂魯頃公爲楚所滅子孫以國爲氏東萊本魯地綽蓋東萊人而葬吳興者此魯綽墓磚下端又有黃訓字伯安墓六字者匠人誤合二範爲一耳出長興

又長一尺四分厚一寸一分文曰元康元年八月
廿六日出烏程

又長一尺二寸厚一寸一分文曰元康元年六月
廿七日陳鍾紀作富貴宜子孫興出長興

又長一尺厚一寸四分文曰元康二年歲壬子作
下端常平安三字出烏程

又長八寸厚一寸文曰元康二年八月廿日董助
作董氏墓磚也出烏程

又長九寸厚一寸一分文曰元康二年九月出烏
程

又長一尺六分厚一寸三分文曰元康二年太歲
在任子篆文二作公與太康二年磚同王作任與
太康三年任寅磚同出烏程

又長一尺二寸厚一寸文曰元康三年六月廿七
日陳鍾紀作富貴宜孫子面有廣德施家作五字
出長興晉書地理志宣城郡統縣十一其九曰廣
德此陳氏墓磚也施家匠人之姓也陳鍾紀于史
乘無考

又長一尺二寸二分厚一寸六分雙行文曰元康
三年六月十七日孝子中郎陳鍾紀作宜子孫位

至高遷累世萬年相禪下如魚形上端元康三年
六月陳鍾八字面上宣城廣德施家作七字出長
興禮雜記祭稱孝子孝孫喪稱哀子哀孫後世不
分喪祭有喪者通稱孝子自漢魏以來皆然隸釋
种氏石虎刻字光和七年四月五日巳丑孝子种
覽元博所造劉熙釋名祭曰卒哭止孝子無時之
哭也期而小祥孝子除首經也又期而大祥孝子
除練服也間月而禫孝子之意澹然哀也晉書王
綏傳父爲殷桓所捕未測存亡綏居處飲食每事
貶降時人謂爲試守孝子宋書明恭王皇后傳廢

帝欲加酖害左右止之曰若行此事官家便作孝子南史周盤龍傳不爲世子便爲孝子孝子則門加素堊世子則門施丹赭中郎從事中郎也晉書職官志諸公開府位從公加兵者置從事中郎二人秩千石高遷者頌禱之辭阮氏鐘鼎款識丙午鉤二其一曰丙午神鉤君高遷其一曰丙午鉤君高遷禪者嬪之借字說文禪祭天也嬪緩也一曰傳也史記號令三嬪漢書歷律志堯嬪以天下賈誼傳變化而嬪注相傳也淮南精神以不同形相嬪也注傳也孟子唐虞禪史記年表禪五世嬪者

正字也禪者借字也萬年相禪釋名所謂轉轉相傳也

又長三寸六分厚一寸二分文曰元康三三下斷上端又文下王鳳二字出歸安王氏墓磚也王氏所出不一太原瑯琊爲周靈王太子之後京兆河間爲畢萬之後北海陳留爲田和之後汲郡爲王子比干之後此外尙有可類氏之王鉗耳氏之王高麗之王阿布思之王見通志氏族略磚作于元康三年在五胡亂華之先必非外國改姓之王晉書孝義傳有王談烏程人或卽鳳之同族歟

又長一尺厚一寸一分文曰元康三年七月十五
日起出烏程

又長六寸五分厚一寸四分文曰元康三年八月
下斷

又長一尺四分厚一寸三分文曰元康四年日凡
十一字可辨者五字反文下端七字可辨者元立
作日四字出烏程

又長九寸厚一寸三分文曰元康五年歲乙卯七
月作凡十字出長興

又長一尺厚一寸一分文曰元康五年八月諫議

錢丕之造作案後漢書百官志諫議大夫六百石
魏賈逵爲丞相主簿太祖善之拜諫議大夫與夏
候惇同掌軍計晉承魏制晉書職官志無諫議大
夫蓋失載耳証之此磚可補晉書之缺錢氏爲吳
興著姓漢有諫議大夫錢林始居長城之梓山林
孫敞敞孫咸咸曾孫讓仕漢封富春侯吳有廬江
太守盛振威將軍晟晉有龍驤將軍端大將軍廣
太子太傅迪始興王師穆東遷侯寵冠軍將軍端
步兵校尉岳伏波將軍詳歷陽太守鳳皆見嘉泰
吳興志錢氏墓磚之出于烏程者此外尙有元康

九年菁里錢家咸康八年錢瑤作泰和元年錢率
各塼當時門閤之盛可知丕之及瑤雖未見志乘
其皆林之後裔歟

又長一尺厚一寸三分文曰元康五年歲在癸卯
吳下端萬歲二字出烏程

又長四寸六分厚一寸二分文曰元康五年四字
下斷上端又文出烏程

又長八寸二分厚一寸四分文曰元康五年所作
下端所作二字俱反文出烏程

又長五寸六分厚一寸二分文曰元康五年下斷

上端錠紋出烏程

又長一尺一寸八分厚一寸六分雙行文曰元康
六年太歲丙辰楊州吳興長城湖陵鄉眞定里砮
晞年世先君之冢八月十日制作壁塚右側六格
雙行斜文下端文曰施晞先君凶男男上端雙行
文曰元康六年太歲丙辰施晞年世制作先君男
出長興案晉書地理志楊州統郡十八其七曰吳
興吳興郡統縣十一其十曰長城卽今長興縣境
也湖陵鄉眞定里縣之地名今無考然可見晉制
以鄉統里猶明制以圖統都今制以區統庄也塚

爲郭之別體說文郭郭也從邑孚聲莊子埤大之
殷也璧爲璧之借字埤埤者以璧爲郭也埤字不
見于字書上端文曰施晞則埤乃施之古文夏竦
古文四聲韻施字下引王存父切韻古食字與埤
字相似或切韻本亦作埤四聲韻傳寫訛耳施晞
者名也年世者字也蓋施晞爲其父所作冢磚也
又一品與上範文同下端兩頭泉文中間花紋上
端與上範下端文同

又長一尺二寸厚一寸八分上端文曰元康六年
施下端同文右側六格雙行斜文出長興

又長一尺四分厚一寸三分面有文曰元康六年
八月施家立功出長興

又長一尺一分厚一寸五分文曰元康六年八月
十日高綜冢子孫富貴十五字反文高綜墓碑也
出長興

又長一尺厚一寸二分文曰晉元康七年八月丁
丑茅山下端里施傳作四字上端兩格×文晉字
作一格元康二字一格七年八月一格丁丑茅山
一格案通鑑目錄元康七年七月壬午朔九月辛
巳朔則丁丑非八月廿五日卽廿六日矣案茅山

有二一在句容一在烏程縣南四十里磚出烏程
當爲烏程之茅山無疑

又長五寸一分厚一寸二分文曰元康七年下斷
上端有胡字俱反文胡下二字不可辨出烏程

又長一尺一寸七分厚一寸六分上端雙行文曰
晉元康七年八月丁丑茅山里施傳所作左側又
文分兩格隸書秀逸似曹全碑磚質堅細以白沙
爲坯出烏程菁山蓋菁山與茅山相連也

又長一尺四分厚一寸二分左側文曰萬歲不敗
上端文曰元康八年八月廿六日宣作出烏程

又長九寸厚一寸二分元康八年八月六日作反文出烏程

又長一尺厚一寸四分文曰元康八年包一字一格上端萬歲二字八作𠂔包氏墓磚也出烏程

又長九寸一分厚一寸三分文曰晉元康八年所作壁反文出烏程

又長九寸厚一寸三分文曰元康八年太歲壬午八月俞辰作下端萬世無朽四字俞氏墓磚也俞氏不知所自始元和姓纂所徵引以後趙劉聰中常待俞容爲最遠俞辰雖不見載籍實在俞容之

前俞氏磚之出烏程者此外尚有赤烏八年俞岑
永康元年俞邠永嘉元年俞道由俞道初咸康五
年俞氏等磚五六種漢晉之際爲烏程大族可知
元和姓纂俞姓讀若紐注吳興漢有俞東今湖州
無俞姓魏晉六朝古磚之出者亦有俞無俞集韻
類篇皆無俞字字彙正字通始有之通志氏族略
亦無俞氏或爲俞之壞字或爲一人一家之私造
不久卽絕如靈之改吞改煥未可知也

又長一尺四分厚一寸二分左側篆文萬歲不敗
四字上端文曰元康八年八月孤子宣案孟子幼

而無父曰孤禮記鄭注三十以上無父稱孤開元
禮虞祭祝文父喪稱孤子母喪稱哀子陳子昂爲
其父墓志自稱孤子李華祭蕭穎士文因有父喪
亦稱孤子宣人名當爲其父所作碑故稱孤子出
烏程

又長七寸一分厚一寸四分左側文曰元康八年
七下斷右側×文出烏程

又長五寸厚一寸三分文曰元康八年太歲六字
下斷出烏程

又長八寸八分厚一寸一分文曰元康八年八月

三日作俱反文出烏程

又長一尺五分厚一寸四分文曰元康九年八月十日歲在午下端菁里錢冢四字案元康八年戊午九年己未匠人誤書也湖州烏程縣南四十里有菁山菁里當卽其地

又一品尺寸相同上端無菁里錢冢四字

又長九寸厚九分上端文曰元康九年七月十日左側古篆文俱不可辨出烏程

又長九寸五分厚一寸二分文曰元康九年七月施作下端元康九年四字俱反文施氏墓磚也出

烏程

又長九寸三分厚一寸二分左側篆文萬世不敗
上端元康九年八月出烏程

又長一尺厚一寸三分文曰元康九年八月作右
側及上下端皆古篆不可辨出烏程

永康磚

長九寸七分厚一寸二分文曰永康元年太歲在
庚申所作下端屠承所作俱反文惠帝第四改元
也屠氏不知所自始晉有屠蒯屠岸賈楚有屠羊
說風俗通漢有屠景先河東人屠承于載籍無考


屠氏磚之出烏程者此外尙有建興四年屠王誌
屠錢壁屠王兒子屠家冢等五六種吳晉之際當
爲吳興大族矣

又長六寸三分厚一寸三分上端文曰永康元年
一字一格左側龍虎文出烏程

又長四寸六分厚一寸四分文曰永康元年八下
斷上端俞卯二字出烏程案卯讀若巷說文作𨾏
鄉字从之

又長四寸四分厚一寸三分文曰永康元年四字
下斷出烏程

又長一尺厚一寸三分文曰永康元年太歲在申
八月聶祚作十三字反文出烏程聶氏墓磚也通
志氏族略衛大夫食采于聶因氏焉吳志有將軍
聶友

又長一尺一寸厚一寸八分文曰永康元年七月
世日陳希上端兩頭書窗文中間文出長興

又長一尺三分厚一寸三分文曰永康元年七月
歲在庚申下端朱暘作三字朱氏墓磚也出烏程
朱氏爲吳興巨族吳有朱治朱然朱紀墓皆在郡
境

又長八寸四分厚一寸三分文曰永康元年八月十一日張反文出烏程

又長九寸八分厚一寸四分文曰永康元年興管輅字上一字管字下數字均泐出烏程

又長五寸六分厚一寸四分文曰永康元年二下斷出烏程

又長九寸六分厚一寸二分文曰並永康元年所作巵反文上端斜格文出烏程

又長一尺厚一寸三分文曰永康元年八月廿日卅十二字反文世字上五字不可辨出烏程